



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԿՐԹՈՒԹՅԱՆ ԵՎ ԳԻՏՈՒԹՅԱՆ ՆԱԽԱՐԱՐՈՒԹՅԱՆ  
ԳԻՏՈՒԹՅԱՆ ՊԵՏԱԿԱՆ ԿՈՄԻՏԵ  
Ն Ա Խ Ա Գ Ա Հ**

ք. Երևան

«11» մայիսի, 2017 թ.

**Հ Ր Ա Մ Ա Ն № 26-Ա**

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ  
ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ ՀԻՄՆԱՐԱՐ  
ՀԵՏԱԶՈՏՈՒԹՅՈՒՆՆԵՐԻ ՌՈՒՍԱՍՏԱՆՅԱՆ ՀԻՄՆԱԴՐԱՄԻ ԿՈՂՄԻՑ ԱՆՑԿԱՅՎՈՂ  
ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ՀԱՄԱՏԵՂ ԾՐԱԳՐԵՐԻ ԱԶԱԿՑՈՒԹՅԱՆ  
«ՀՀ ԿԳՆ ԳՊԿ - ՀՀՌՀ - 2018» ՄԻՋԱԶԳԱՅԻՆ ՄՐՑՈՒՅԹԸ  
ԿԱԶՄԱԿԵՐՊԵԼՈՒ ԵՎ ՄՐՑՈՒՅԹԻ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ**

Հիմք ընդունելով ՀՀ կառավարության 2007 թվականի հոկտեմբերի 18-ի N 1269-Ն որոշման հավելված 1-ի 12-րդ կետի 1-ին և 4-րդ ենթակետերը՝

**Հ Ր Ա Մ Ա Յ ՈՒ Մ ԵՄ**

1. Կազմակերպել Հայաստանի Հանրապետության կրթության և գիտության նախարարության գիտության պետական կոմիտեի և Հիմնարար հետազոտությունների ռուսաստանյան հիմնադրամի կողմից անցկացվող գիտական հետազոտությունների համատեղ ծրագրերի աջակցության «ՀՀ ԿԳՆ ԳՊԿ - ՀՀՌՀ - 2018» միջազգային մրցույթը:
2. Հաստատել մրցույթի հրավերի փաթեթը՝ համաձայն Հավելվածի:
3. Սույն հրամանի կատարման հսկողությունը վերապահել Հայաստանի Հանրապետության կրթության և գիտության նախարարության գիտության պետական կոմիտեի աշխատակազմի ղեկավար Լևոն Մարդոյանին:

**ՍԱՄՎԵԼ ՀԱՐՈՒԹՅՈՒՆՅԱՆ**

## ՀՐԱՎԵՐ

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ ԳԻՏՈՒԹՅԱՆ  
ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ ԵՎ ՀԻՄՆԱՐԱՐ  
ՀԵՏԱԶՈՏՈՒԹՅՈՒՆՆԵՐԻ ՌՈՒՍԱՍՏԱՆՅԱՆ ՀԻՄՆԱԴՐԱՄԻ ԿՈՂՄԻՑ ԱՆՑԿԱՅՎՈՂ  
ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ՀԱՄԱՏԵՂ ԾՐԱԳՐԵՐԻ ԱԶԱԿՑՈՒԹՅԱՆ  
«ՀՀ ԿԳՆ ԳՊԿ - ՀՀՌՀ - 2018» ՄԻՋԱԶԳԱՅԻՆ ՄՐՑՈՒՅԹԻ**

### 1. Ընդհանուր դրույթներ

- 1.1. Գիտական հետազոտությունների համատեղ ծրագրերի (այսուհետ՝ Ծրագիր) աջակցության «ՀՀ ԿԳՆ ԳՊԿ - ՀՀՌՀ - 2018» մրցույթը (այսուհետ՝ Մրցույթ) անցկացվում է համաձայն ՀՀ կրթության և գիտության նախարարության գիտության պետական կոմիտեի (այսուհետ՝ Կոմիտե) և Հիմնարար հետազոտությունների ռուսաստանյան հիմնադրամի (ՌԴ) (այսուհետ՝ Հիմնադրամ) միջև 2010 թվականի մայիսի 7-ին կնքված «Համագործակցության մասին» համաձայնագրի և 2012 թվականի փետրվարի 28-ին կնքված գիտական ծրագրերի մրցույթի անցկացման մասին լրացուցիչ պայմանագրի:
- 1.2. Կոմիտեն 12 կամ 24 ամիս տևողությամբ դրամաշնորհներ կտրամադրի հրավերի Հավելված 1-ում թվարկված գիտության բոլոր բնագավառների մասնագիտություններով գիտական և գիտատեխնիկական հետազոտությունների իրականացման համար՝ Հայաստանի Հանրապետության պետական բյուջեի «Միջազգային գիտական համագործակցություն» ծախսային ենթածրագրի միջոցների հաշվին:
- 1.3. Սույն Մրցույթին մասնակցության գիտական նախագծերի հայտերը (այսուհետ՝ Հայտ) ներկայացվում են Հայաստանի Հանրապետության և Ռուսաստանի Դաշնության գիտնականներից կազմված խմբերի կողմից՝ հայաստանյան կողմից ներառելով 2-ից 4 մասնակից՝ ներառյալ խմբի ղեկավարը (այսուհետ՝ Ղեկավար):

1.4. Հայտը չի քննարկվում, եթե՝

- բովանդակությամբ համընկնում է Հայաստանի Հանրապետության պետական բյուջեից ֆինանսավորվող կամ ֆինանսավորված որևէ թեմայի կամ ծրագրի հետ,
- հեղինակի կողմից նախկինում իրականացված թեմայի կամ ծրագրի վերաբերյալ հաշվետվություն (այսուհետ՝ Հաշվետվություն) չի ներկայացվել կամ վերջինիս վերաբերյալ մասնագիտական փորձագիտական խորհրդի (ասուհետ՝ Խորհուրդ) կողմից տրվել է բացասական եզրակացություն,
- միաժամանակ ներկայացված է Կոմիտեի կողմից անցկացվող այլ մրցույթների:

1.5. Հեղինակային իրավունքի օբյեկտ հանդիսացող նյութեր պարունակող Հայտ և այնուհետև Հաշվետվություն ներկայացնելու դեպքում Ղեկավարը պետք է գործի «Հեղինակային իրավունքի և հարակից իրավունքների մասին» Հայաստանի Հանրապետության օրենքով սահմանված դրույթներին համապատասխան: Հեղինակային իրավունքի կամ հարակից իրավունքների իրավատերն իր իրավունքները պաշտպանելու նպատակով կարող է Հայաստանի Հանրապետության օրենսդրությամբ սահմանված կարգով դիմել դատարան:

1.6. Ծրագրի շրջանակներում համատեղ ստացած գիտական արդյունքի նկատմամբ հեղինակային իրավունքի շուրջ ծագած վեճերը հայաստանյան և ռուսաստանյան կողմի ղեկավարները պետք է լուծեն խորհրդակցությունների և քննարկումների միջոցով:

1.7. Ծրագրի շրջանակներում համատեղ իրականացված հետազոտության արդյունքները գիտական ամսագրերում հրապարակելիս անհրաժեշտ է նշել Կոմիտեի և Հիմնադրամի կողմից ստացած աջակցության մասին.

*Հետազոտությունն իրականացվել է ՀՀ ԿԳՆ ԳՊԿ-ի \_\_\_ և ՀՀՌՀ (ՌԴ) \_\_\_ գիտական համատեղ ծրագրի շրջանակներում:*

*Исследование выполнено при финансовой поддержке ГКН МОН РА и РФФИ (РФ) в рамках совместной научной программы \_\_\_ и \_\_\_ соответственно.*

*This work was supported by the RA MES State Committee of Science and Russian Foundation for Basic Research (RF) in the frames of the joint research project SCS \_\_\_\_\_ and RFBR \_\_\_\_\_ accordingly.*

1.8. Ծրագրի իրականացման ընթացքում Կոմիտե է ներկայացվում ընթացիկ (12-ամսյա) և իսկ ավարտից հետո՝ ամփոփիչ Հաշվետվություն, որոնք ենթարկվում են գիտական փորձաքննության:

- 1.9. Ծրագրի ֆինանսավորումը դադարեցվում է ընթացիկ Հաշվետվությունը սահմանված ժամկետում չներկայացնելու կամ վերջինիս վերաբերյալ Խորհրդի գիտական փորձաքննության բացասական եզրակացության հիման վրա:
- 1.10. Կոմիտեն կարող է ֆինանսավորման երաշխավորված Ծրագրի և Հաշվետվության անոտացիաները հրապարակել տպագիր կամ էլեկտրոնային եղանակով:

## **2. Մասնակիցներին ներկայացվող պահանջները**

- 2.1. Հայաստանյան խմբի բոլոր անդամները պետք է հանդիսանան Հայաստանի Հանրապետության մշտական բնակիչներ, ինչպես նաև Ծրագրի կատարման ընթացքում բնակվեն Հայաստանի Հանրապետությունում:
- 2.2. Նախագծի հայաստանյան խմբում կարող են ընդգրկվել գիտական և գիտատեխնիկական գործունեություն իրականացնող պետական կազմակերպություններում և բուհերում ներգրավված գիտաշխատողները և դասախոսները, առկա և հեռակա ուսուցման ասպիրանտները և մագիստրանտները և մագիստրոսի ակադեմիական աստիճան ունեցող անձինք:
- 2.3. Մրցույթին չեն կարող մասնակցել Կոմիտեի կողմից ֆինանսավորվող միաժամանակ երկու մրցութային (այդ թվում՝ միջազգային) թեմաների (ծրագրերի) ղեկավարները կամ կատարողները (բացառությամբ անհատական խրախուսման մրցույթների շահառուների), եթե այդ թեմաները (ծրագրերը) չեն ավարտվում մինչև սույն Մրցույթի արդյունքում երաշխավորված Ծրագրերի ֆինանսավորման սկիզբը:

**Ուշադրություն.** «ՀՀ ԿԳՆ ԳՊԿ - ՌՀԳՀ - 2016» միջազգային մրցույթի շրջանակներում իրականացվող ծրագրերի ղեկավարները կարող են դիմել սույն Մրցույթին: Սակայն, ֆինանսավորման երաշխավորվելու դեպքում, Հայտի ֆինանսավորումը կսկսվի «ՀՀ ԿԳՆ ԳՊԿ - ՌՀԳՀ - 2016» մրցույթի շրջանակներում կնքված պայմանագրի ավարտից հետո:

- 2.4. Ղեկավար կարող է լինել գիտական աստիճան ունեցող անձը, ով ունի առնվազն 5 (հինգ) տարվա գիտական կամ գիտամանկավարժական գործունեության ստաժ և վերջին 5 (հինգ) տարիների ընթացքում միջազգային գիտատեղեկատվական շտեմարաններում (Scopus, Thomson Reuters և այլն), ինչպես նաև Հայաստանի Հանրապետության և ԱՊՀ անդամ-պետությունների Բարձրագույն որակավորման հանձնաժողովների ցանկերում ընդգրկված գրախոսվող ամսագրերում

հրապարակված առնվազն 5 (հինգ) հոդված կամ 2 (երկու)՝ առնվազն 5 (հինգ) տպագրական մամուլ ծավալով, գիտական կազմակերպության կամ բուհի գիտական խորհրդի երաշխավորություն ունեցող և ISBN նշումով հրապարակում (մենագրություն): Մեկ մենագրությունը համարժեք է գրախոսվող ամսագրերում հրապարակված 3 (երեք) հոդվածի:

2.5. Ղեկավար չի կարող լինել Խմբի անդամներից մեկի վարչական ենթակայության տակ գտնվող անձը:

2.6. Խմբի անդամները (ներառյալ ղեկավարը) չեն կարող ընդգրկվել Մրցույթին ներկայացված մեկից ավելի Հայտերում:

2.7. Խմբում պետք է ընդգրկվի մինչև 35 տարեկան առնվազն մեկ գիտաշխատող կամ ասպիրանտ կամ մագիստրոս կամ մագիստրատուրայի ուսանող:

2.8. Մրցույթի հայաստանյան և ռուսաստանյան կողմի հայտատուները միմյանց հետ համաձայնեցնում են ներկայացվող նախագծի բովանդակությունը, որը կարող է տարբեր լինել՝ կախված կողմերի առջև դրված խնդիրներից, սակայն ներկայացված նախագծի հայերեն և ռուսերեն վերնագրերը պետք է ամբողջությամբ համընկնեն: Վերջնական ձևավորված և համաձայնեցված Հայտը հայաստանյան կողմը ներկայացնում է Կոմիտե, իսկ ռուսաստանյան կողմը՝ Հիմնադրամ:

2.9. Սույն Մրցույթին չեն մասնակցում այն նախագծերի Հայտերը, որոնք՝

- ներկայացվել են միայն Կոմիտե կամ միայն Հիմնադրամ,
- Կոմիտե կամ Հիմնադրամ ստացվել են Հայտերի ընդունման համար հայտարարված ժամկետներից ուշ,
- լրացվել են ոչ ըստ Հայտերին ներկայացվող պահանջների,
- պարունակում են պետական կամ առևտրային գաղտնիք պարունակող տեղեկություններ:

2.10. Հայտի համապատասխանությունը վերը նշված պայմաններին երաշխավորում է Ղեկավարը:

### **3. Հայտ ներկայացնելը**

3.1. Հայտը (Հավելված N 2) լրացնում և ներկայացնում է Ղեկավարը՝ Կոմիտեի հայտերի և հաշվետվությունների առցանց համակարգի (այսուհետ՝ Համակարգ) միջոցով ([grants.scs.am](http://grants.scs.am))՝ մինչև 2017 թվականի հուլիսի 18-ը ներառյալ (Հայտի ուղարկման հնարավորությունն արգելափակվում է Երևանի ժամանակով ժամը 18:00-ին):

3.2. Կոմիտե ներկայացվում են հետևյալ փաստաթղթերը.

- Ղեկավարի դիմումը (Հավելված N 3),
- Համակարգում ձևավորված և ծածկագիր ստացած Հայտի տիտղոսաթերթը, ծախսերի նախահաշիվը (այսուհետ՝ Նախահաշիվ),
- գիտական կազմակերպության կամ բարձրագույն ուսումնական հաստատության (այսուհետ՝ Կազմակերպություն) գիտական (գիտատեխնիկական) խորհրդի որոշումը,
- մինչև 35 տարեկան մասնակցի ասպիրանտ կամ մագիստրատուրայի ուսանող հանդիսանալու մասին տեղեկանքը, որտեղ նշված է մասնագիտությունը և ուսուցման տարին:

3.3 Պահանջվող փաստաթղթերը Կոմիտե են ներկայացվում առձեռն՝ աշխատանքային օրերին ժամը 10:00-13:00 և 14:00-17:00 (Օրբելի եղբայրների 22, 7-րդ հարկ, 708 սենյակ) կամ փոստով (Երևան 0028, Օրբելի եղբայրների 22)՝ մինչև 2017 թվականի հուլիսի 25 ներառյալ:

**Ուշադրություն. Հայտերը, որոնք չեն ուղարկվել ըստ վերը նշված կարգի և մինչև վերը նշված ժամկետը, չունեն ծածկագիր, հետևաբար, քննարկման ենթակա չեն: Կոմիտեն քննարկման է ընդունում միայն Համակարգի կողմից ձևավորված և ծածկագիր ստացած Հայտերը:**

3.4. «ՀՀ ԿԳՆ ԳՊԿ - ՀՀՌՀ - 2018» մրցույթին մասնակցության համար ռուսաստանյան կողմին ներկայացվող պահանջներին կարելի է ծանոթանալ [http://www.rfbr.ru/rffi/ru/contest/n\\_812/o\\_2040808](http://www.rfbr.ru/rffi/ru/contest/n_812/o_2040808) կայքէջում:

#### **4. Նախագծերի գիտական փորձաքննությունը**

- 4.1. Հայտերը ենթարկվում են գիտական փորձաքննության՝ հայաստանյան կողմի ներկայացրած Հայտերը՝ Կոմիտեի, իսկ ռուսաստանյան կողմինը՝ Հիմնադրամի կողմից: Հայտերի փորձաքննությունը յուրաքանչյուր կողմ անցկացնում է ինքնուրույն:
- 4.2. Հայաստանյան կողմում մրցույթի տեխնիկական պահանջները բավարարող Հայտերը տրամադրվում են Խորհրդին՝ Կոմիտեի փորձագետների շտեմարանում ընդգրկված փորձագետների ներգրավմամբ գիտական փորձաքննություն իրականացնելու համար:
- 4.3. Գիտական փորձաքննության ժամանակ գնահատվում են Ծրագրի գիտական կամ գիտատեխնիկական նորույթը և արդիականությունը, իրականացման

նախադրյալները, Ղեկավարի և կատարողների ձեռքբերումները գիտության տվյալ բնագավառում, նրանց մասնագիտական որակավորման համապատասխանությունը նախատեսված հետազոտությունների իրականացմանը, աշխատանքի ծավալի, իրականացման ժամկետների և նախահաշվի հիմնավորվածությունը, միջազգային համագործակցության մակարդակը, գիտության տվյալ բնագավառի առանձնահատկություններից բխող այլ հարցեր:

4.4. Հայտը գիտական փորձաքննության է ենթարկվում երկու փորձագետների կողմից: Յուրաքանչյուր Հայտի համար փորձագետը լրացնում է գիտական փորձաքննության գնահատման թերթիկը (Հավելված N 4):

4.5. Հայտի բովանդակության, գիտական փորձաքննության ընթացքի վերաբերյալ տեղեկությունների տրամադրումն այլ անձանց արգելվում է՝ համաձայն «Գիտական և գիտատեխնիկական փորձաքննության մասին» Հայաստանի Հանրապետության օրենքի:

4.6. Փորձագետի գնահատականը կազմում է գնահատման սանդղակի առավելագույն միավորի 85 տոկոսը:

4.7. Հայաստանյան և ուսաստանյան Ղեկավարների և հայաստանյան կատարողների մասնագիտական որակավորումը գնահատվում է Խորհրդի կողմից: Խորհրդի գնահատականը կազմում է գնահատման սանդղակի առավելագույն միավորի 15 տոկոսը: Գնահատելիս Խորհուրդն առաջնորդվում է Հավելված 5-ում զետեղված Գիտական գործունեության արդյունավետության ցուցանիշի որոշման մեթոդաբանությամբ:

4.8. Հայտի գիտական փորձաքննության վերջնական գնահատականը երկու փորձագետների գնահատականների միջին թվաբանականի և Խորհրդի գնահատականի գումարն է:

4.9. Երկու փորձագետների գնահատականները գնահատման սանդղակի առավելագույն միավորի 50 տոկոս և ավելի չափով տարբերվելու դեպքում Հայտը տրվում է երրորդ փորձագետին: Այդ դեպքում, գիտական փորձաքննության վերջնական գնահատականը երեք փորձագետների երկու իրար մոտ գնահատականների միջին թվաբանականն է: Առաջին երկու փորձագետների գնահատականների և երրորդ փորձագետի գնահատականի հավասար տարբերությունների դեպքում գիտական

փորձաքննության վերջնական գնահատականը երկու առավելագույն գնահատականների միջին թվաբանականն է:

4.10. Ֆինանսավորման երաշխավորված ծրագրերի ընդհանուր քանակը որոշվում է՝ հիմնվելով երկու կողմերի փորձաքննության արդյունքների վրա և ելնելով Մրցույթի համար նախատեսված յուրաքանչյուր կողմի ֆինանսական հնարավորություններից:

**Ուշադրություն. Հիմնադրամի կողմից ռուսաստանյան կողմի որևէ հայտատուի ներկայացրած նախագծին ֆինանսական աջակցություն հատկացնելուց հրաժարվելու դեպքում՝ Կոմիտեի կողմից նախագծի ֆինանսավորման հարցը քննարկման ենթակա չէ:**

4.11. Սույն Մրցույթի շրջանակներում արդյունքների բողոքարկման փուլ նախատեսված չէ:

4.12. Կոմիտեն յուրաքանչյուր Ղեկավարին է տրամադրում գիտական փորձաքննության արդյունքները, որոնք ներառում են փորձագետների եզրակացությունները (ապահովելով փորձագետի անանունությունը), Խորհրդի գնահատականը, տվյալ բնագավառի շեմային գնահատականը, Հայտի գիտական փորձաքննության վերջնական գնահատականը:

4.13. Կոմիտեն Կազմակերպության ղեկավարին տրամադրում է Կազմակերպությունից ներկայացված և ֆինանսավորման երաշխավորված Ծրագրերի ցանկը, ղեկավարների ցուցակը և յուրաքանչյուր Ծրագրի կատարման համար նախատեսված ֆինանսավորման ծավալը:

## 5. Այլ դրույթներ

5.1. Սույն Մրցույթի արդյունքները կամփոփվեն **2017 թվականի 4-րդ եռամսյակում:**

5.2. Ֆինանսավորման երաշխավորված Ծրագրի ղեկավարի և կատարողների միջև, ինչպես նաև Կազմակերպության ղեկավարի և Ծրագրի ղեկավարի միջև Հայաստանի Հանրապետության «Քաղաքացիական օրենսգրքով» սահմանված կարգով կնքվում են պայմանագրեր:

5.3. Կոմիտեի և ֆինանսավորման երաշխավորված Ծրագրի ղեկավարի միջև Հայաստանի Հանրապետության «Քաղաքացիական օրենսգրքով» սահմանված կարգով կնքվում է պայմանագիր 5.2 կետում նշված պայմանագրերի առկայության դեպքում:



- 5.4. Կողմերից յուրաքանչյուրը ֆինանսավորում է իր կողմի գիտական խմբի աշխատանքների հետ կապված ծախսերը:
- 5.5. Հայաստանյան գիտական խմբի տարեկան ֆինանսավորման առավելագույն ծավալները կազմում են **2 250,0**, **3 375,0** և **4 500,0** հազար ՀՀ դրամ՝ համապատասխանաբար 2, 3 և 4 անձից բաղկացած գիտական խմբերի համար:
- 5.6. Աշխատանքի վարձատրության համար հատկացված առավելագույն տարեկան գումարը չպետք է գերազանցի **1 680,0**, **2 520,0** և **3 360,0**, հազար ՀՀ դրամը՝ համապատասխանաբար 2, 3 և 4 անձից բաղկացած գիտական խմբերի համար:
- 5.7. Եթե աշխատանքի վարձատրության համար նախատեսված գումարը պակաս է վերոնշյալ ծավալներից, ապա տարբերությունը կարելի է օգտագործել Նախահաշվի «Այլ ծախսեր» հոդվածում:
- 5.8 Նախահաշվի «Այլ ծախսեր» հոդվածով կարող են նախատեսվել հետազոտական սարքավորումների և գիտական հետազոտությունների ընթացքում օգտագործվող նյութերի ձեռքբերման ծախսեր: 150,0 հազար ՀՀ դրամը գերազանցող գնի սարքավորման կամ ծառայության անհրաժեշտությունը հիմնավորել Նախահաշվի մեկնաբանության մեջ:
- 5.9 Նախահաշվի «Այլ ծախսեր» հոդվածով գործուղումների համար նախատեսվող գումարը կարող է օգտագործվել ինչպես Հայաստանի Հանրապետությունում, այնպես էլ օտարերկրյա պետություններում գիտական միջոցառումներին մասնակցելու համար:
- 5.10 Մինչև երկու շաբաթ տևողությամբ գործուղումների համար օրապահիկը և գիշերավարձը հաշվարկել ըստ Հայաստանի Հանրապետության կառավարության 2005 թվականի դեկտեմբերի 29-ի N 2335-Ն որոշմամբ սահմանված ծախսերի չափերի: Երկու շաբաթը գերազանցող գործուղումների համար խմբի անդամները կարող են հայցել ամսական մինչև 1500,0 ԱՄՆ դոլարին համարժեք ՀՀ դրամ: Խմբի յուրաքանչյուր անդամի օտարերկրյա գործուղումների ընդհանուր ժամանակը չպետք է գերազանցի երկու ամիսը (12-ամսյա կտրվածքով):
- 5.11 Վերադիր ծախսերը չպետք է գերազանցեն «Այլ ծախսեր» հոդվածով յուրաքանչյուր տարվա համար նախատեսված գումարի 7 տոկոսը:
- 5.12 Ղեկավարի 2 ամիս (60 օր) Հայաստանի Հանրապետությունից անընդհատ բացակայության դեպքում Ծրագրի ֆինանսավորումը դադարեցվում է: Խմբի անդամի 2 ամիս (60 օր) Հայաստանի Հանրապետությունից անընդհատ բացակայության

դեպքում Ղեկավարը 10-օրյա ժամկետում պետք է դիմի Կոմիտե՝ գիտական գործունեության արդյունավետության և տարիքային խմբի համարժեք փոփոխություն կատարելու կամ խմբի անդամների թիվը մեկով կրճատելու առաջարկությամբ: Խմբի անդամների թվի կրճատման դեպքում Ղեկավարի և Կոմիտեի միջև կնքվում է պայմանագրի գնի փոփոխության մասին համաձայնագիր:

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ �ՆԱԳԱՎԱՌՆԵՐԸ ԵՎ  
ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ**

**1. �ՆԱԿԱՆ ԳԻՏՈՒԹՅՈՒՆՆԵՐ**

- 1.1 Մաթեմատիկա
- 1.2 Ինֆորմատիկա և համակարգչային գիտություններ
- 1.3 Ֆիզիկա և աստղագիտություն
- 1.4 Քիմիա
- 1.5 Երկրի մասին և դրան հարակից բնապահպանական գիտություններ
- 1.6 Կենսաբանական գիտություններ
- 1.7 Այլ բնական գիտություններ

**2. ՃԱՐՏԱՐԱԳԻՏՈՒԹՅՈՒՆ ԵՎ ՏԵԽՆՈԼՈԳԻԱ**

- 2.1 Քաղաքաշինություն և ճարտարապետություն
- 2.2 Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3 Մեխանիկա
- 2.4 Մեքենագիտություն և մեքենաշինություն
- 2.5 Քիմիական տեխնոլոգիաներ
- 2.6 Նյութագիտություն
- 2.7 Բժշկական սարքաշինություն
- 2.8 Էկոլոգիա
- 2.9 Կենսատեխնոլոգիա
- 2.10 Նանոտեխնոլոգիա
- 2.11 Այլ տեսակի ճարտարագիտություն ու տեխնոլոգիաներ

**3. ԲԺՇԿԱԿԱՆ ԳԻՏՈՒԹՅՈՒՆՆԵՐ**

- 3.1 Ընդհանուր բժշկություն
- 3.2 Կլինիկական բժշկություն
- 3.3 Բժշկական կենսատեխնոլոգիա
- 3.4 Այլ բժշկական գիտություններ

## **5. ՀԱՍԱՐԱԿԱԿԱՆ ԳԻՏՈՒԹՅՈՒՆՆԵՐ**

- 5.1 Հոգեբանություն
- 5.2 Տնտեսագիտություն
- 5.3 Մանկավարժական գիտություններ
- 5.4 Սոցիոլոգիա
- 5.5 Իրավագիտություն
- 5.6 Քաղաքագիտություն
- 5.7 Սոցիալական աշխարհագրություն
- 5.8 Այլ հասարակական գիտություններ

## **6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ ԳԻՏՈՒԹՅՈՒՆՆԵՐ**

- 6.1 Պատմություն, հնագիտություն
- 6.2 Լեզվագիտություն, գրականագիտություն
- 6.3 Փիլիսոփայություն, էթիկա
- 6.5 Արվեստագիտություն
- 6.6 Այլ հումանիտար գիտություններ

**Ուշադրություն:** Ստորև բերվող բոլոր ձևերը նպատակ ունեն միայն ծանոթացնելու առցանց լրացվող ձևերի  
հետ և դյուրացնելու առցանց լրացնելու գործընթացը:

Ձև 1

## ՀԱՅՏ

### ԳԻՏԱԿԱՆ ՀԵՏԱԶՈՏՈՒԹՅՈՒՆՆԵՐԻ ՀԱՄԱՏԵՂ ՆԱԽԱԳԾԵՐԻ ԱԶԱԿՑՈՒԹՅԱՆ

#### «ՀՀ ԿԳՆ ԳՊԿ - ՀՀՌՀ - 2018» ՄԻՋԱԶԳԱՅԻՆ ՄՐՑՈՒՅԹ

Հայտը հանձնված է «\_\_\_\_\_» \_\_\_\_\_ 2017թ. Ծածկագիր՝ \_\_\_\_\_  
(ձևավորվում է Համակարգի կողմից)

## Տ Ի Տ Ղ Ո Ս Ա Թ Ե Ր Թ

1. Հայտի վերնագիրը, բնագավառը և մասնագիտական դասիչը, բնույթը
  2. Հուշող (բանալի) բառեր
  3. Ղեկավարի ազգանունը, անունը, հայրանունը, ծննդյան թիվը, գիտական աստիճանը, պաշտոնը, հեռախոսը և էլեկտրոնային հասցեն,
  4. Կազմակերպության լրիվ անվանումը, կազմակերպատիրավական ձևը և գերատեսչական պատկանելությունը, հասցեն, հեռախոսը և էլեկտրոնային հասցեն
  5. Հայտի ռուսաստանյան կողմի ղեկավարի ազգանունը, անունը, հայրանունը (հայերեն, ռուսերեն և անգլերեն), ծննդյան թիվը, գիտական աստիճանը, պաշտոնը, հեռախոսը, էլեկտրոնային հասցեն, վերջին 5 տարիների գիտական հրապարակումները (առավելագույնը 10)
  6. Ռուսաստանյան կողմի կազմակերպության լրիվ անվանումը, գերատեսչական պատկանելությունը, կազմակերպատիրավական ձևը, հասցեն (հայերեն, ռուսերեն, անգլերեն), էլեկտրոնային հասցեն, կայքէջը
  7. Նախագծի կատարման համար անհրաժեշտ ժամանակահատվածը
  8. Գիտահետազոտական խմբի (ներառյալ ղեկավարը) անդամների թիվը
  9. Ռուսաստանյան խմբի անդամների (ներառյալ Ղեկավարը) թիվը
  10. Աշխատանքի վարձատրության (ներառյալ եկամտային հարկը) գումարը
  11. Վերադիր ծախսերի գումարը
  12. Հայցվող ընդհանուր գումարը
- Ղեկավարի ստորագրությունը \_\_\_\_\_

«\_\_\_\_\_» \_\_\_\_\_ 2017 թ.

## **Ն Ա Խ Ա Գ Ծ Ի Ա Ն Ո Տ Ա Ց Ի Ա**

*Համառոտ ներկայացնել նախագծի նպատակներն ու խնդիրները՝ հայերեն, անգլերեն և ռուսերեն:*

### **Ն Ա Խ Ա Գ Ի Ծ**

*Ներկայացնել հայերեն և անգլերեն, յուրաքանչյուրը մինչև 12 էջ՝ ներառյալ գրաֆիկները, գծագրերը, լուսանկարները և գրականության ցանկը.*

*1. խնդրի դրվածքը, դրա արդի վիճակը, ծրագրի գիտական նպատակները, հետազոտական ծրագիրը, իրականացման եղանակները, առկա և անհրաժեշտ նյութական ռեսուրսները (մինչև 8 էջ),*

*2. տվյալ ուղղությամբ խմբի ունեցած ձեռքբերումները և ակնկալվող արդյունքները (մինչև 2 էջ),*

*3. ռուսաստանյան խմբի կողմից լուծվելիք խնդիրները (մինչև 2 էջ),*

*4. օգտագործված գրականության ցանկը:*

**Մ Ի Ն Ձ Ե Վ 3 Ա Ն Ց Ա Ն Կ Ա Լ Ի Փ Ո Ր Ձ Ա Գ Ե Տ Ն Ե Ր Ի Ց Ո Ւ Ց Ա Կ**

№	ԱՁԳԱՆՈՒՆ, ԱՆՈՒՆ, ՀԱՅՐԱՆՈՒՆ
1.	
2.	
3.	

**ՏԵՂԵԿՈՒԹՅՈՒՆՆԵՐ ՆԱԽԱԳԾԻ ՀԱՅԱՍՏԱՆՅԱՆ ԿՈՂՄԻ  
ՂԵԿԱՎԱՐԻ ԵՎ ԿԱՏԱՐՈՂԻ ՄԱՍԻՆ**

1. Ազգանուն, անուն, հայրանուն (հայերեն, անգլերեն, ռուսերեն)
2. Ծննդյան տարեթիվն ու ծննդավայրը
3. Կրթությունը (բուհ, մասնագիտություն)
4. Գիտական աստիճանը
5. Վերջին թեզի վերնագիրը, մասնագիտական դասիչը, պաշտպանության տարեթիվը և վայրը
6. Աշխատանքի վայրը, պաշտոնը
7. Հեռախոսը (աշխատանքային, բջջային)
8. Էլեկտրոնային հասցեն
9. Վերջին 5 տարիների գիտական հրապարակումները (առավելագույնը 10)

**ՏԵՂԵԿՈՒԹՅՈՒՆՆԵՐ ՆԱԽԱԳԾԻ ՌՈՒՍԱՍՏԱՆՅԱՆ ԿՈՂՄԻ  
ՂԵԿԱՎԱՐԻ ՄԱՍԻՆ**

1. Ազգանուն, անուն, հայրանուն (հայերեն, անգլերեն, ռուսերեն)
2. Ծննդյան տարեթիվը
3. Կրթությունը (բուհ, մասնագիտություն)
4. Գիտական աստիճանը
5. Աշխատանքի վայրը, պաշտոնը
6. Հեռախոսը (աշխատանքային, բջջային)
7. Էլեկտրոնային հասցեն
8. Վերջին 5 տարիների գիտական հրապարակումները (առավելագույնը 10)

**ՏԵՂԵԿՈՒԹՅՈՒՆՆԵՐ ՆԱԽԱԳԾԻ ՌՈՒՍԱՍՏԱՆՅԱՆ ԿՈՂՄԻ  
ԿԱՏԱՐՈՂԻ ՄԱՍԻՆ**

1. Ազգանուն, անուն, հայրանուն (հայերեն, անգլերեն, ռուսերեն)
2. Ծննդյան տարեթիվը
3. Կրթությունը (բուհ, մասնագիտություն)
4. Գիտական աստիճանը
5. Աշխատանքի վայրը, պաշտոնը
6. Հեռախոսը (աշխատանքային, բջջային)
7. Էլեկտրոնային հասցեն



**ՀԱՅՏԻ ՖԻՆԱՆՍԱԿԱՆ ՆԱԽԱՀԱՇԻՎ**

Հայտի ծածկագիրը \_\_\_\_\_

<b>ԱՇԽԱՏԱՆՔԻ ՎԱՐՁԱՏՐՈՒԹՅՈՒՆ</b> (ներառյալ եկամտային հարկ, հազար դրամ)						
	2018թ. 12 ամիս			2019թ., 12 ամիս		
Ազգանուն, անուն, հայրանուն	Անձական	Ամիսների ընդհանուր քանակը	Պահանջվող գումարը	Անձական	Ամիսների ընդհանուր քանակը	Պահանջվող գումարը
1)						
2)						
3)						
4)						
<b>ԸՆԴՀԱՆՈՒՐ ԳՈՒՄԱՐԸ</b>						
<b>ԱՅԼ ԾԱԽՍԵՐ, այդ թվում</b>						
<b>1. ՍԱՐՔԵՐ, ՆՅՈՒԹԵՐ, ԾԱՌԱՅՈՒԹՅՈՒՆՆԵՐ</b> (թվարկել 150,0 հազար ՀՀ դրամը գերազանցող բոլոր ծախսերը, հիմնավորվել ֆինանսական նախահաշվի մեկնաբանության մեջ)				2018	2019	
1)						
2)						
<b>ԸՆԴՀԱՆՈՒՐ ԳՈՒՄԱՐԸ</b>						
<b>2. ԳՈՐԾՈՂՈՒՄՆԵՐ</b> (հիմնավորել ֆինանսական նախահաշվի մեկնաբանության մեջ)						
1) տեղական գործուղումների տրանսպորտային ծախսեր						
2) տեղական գործուղումների օրապահիկ						
3) տեղական գործուղումների գիշերավարձ						
4) օտարերկրյա գործուղումների տրանսպորտային ծախսեր						
5) օտարերկրյա գործուղումների օրապահիկ						
6) օտարերկրյա գործուղումների գիշերավարձ						
7) գործուղումների հետ կապված այլ ծախսեր (վիզա կամ այլ վճարումներ)						
<b>ԸՆԴՀԱՆՈՒՐ ԳՈՒՄԱՐԸ</b>						
<b>3. ՎԵՐԱԴԻՐ ԾԱԽՍԵՐ</b>						
<b>ՀԱՅՅՎՈՂ ԸՆԴՀԱՆՈՒՐ ԳՈՒՄԱՐԸ</b>						
<b>ԱՅԼ ԱՐՔՅՈՒՐՆԵՐԻՑ ՍՏԱՑՎՈՂ ՆԵՐԴՐՈՒՄՆԵՐ</b> (ներկայացնել ֆինանսական նախահաշվի մեկնաբանության մեջ)						
<b>ՖԻՆԱՆՍԱԿԱՆ ՆԱԽԱՀԱՇՎԻ ՄԵԿՆԱԲԱՆՈՒԹՅՈՒՆ (հայերեն և անգլերեն՝ յուրաքանչյուրը մինչև 500 բառ)</b>						

Հայտի ղեկավար՝ \_\_\_\_\_ (ստորագրություն)

Կազմակերպության գլխավոր հաշվապահ՝ \_\_\_\_\_

Կ.Տ

\_\_\_\_\_ (ստորագրություն)

\_\_\_\_\_ (ազգանուն, անուն, հայրանուն)

\_\_\_\_\_ (ազգանուն, անուն, հայրանուն)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ ԵՎ  
ԳԻՏՈՒԹՅԱՆ ՆԱԽԱՐԱՐՈՒԹՅԱՆ ԳԻՏՈՒԹՅԱՆ ՊԵՏԱԿԱՆ ԿՈՄԻՏԵԻ  
ՆԱԽԱԳԱՀ ՊԱՐՈՆ Ս. ՀԱՐՈՒԹՅՈՒՆՅԱՆԻՆ

ՔԱՂԱՔԱՅԻ \_\_\_\_\_  
(անուն հայրանուն)  
\_\_\_\_\_ հց  
(ազգանուն)  
\_\_\_\_\_  
(հասցե)  
\_\_\_\_\_  
(հեռախոս)

**ԴԻՄՈՒՄ**

Խնդրում եմ ընդունել հիմնարար գիտական հետազոտությունների հայ-ռուսական համատեղ նախագծերի «ՀՀ ԿԳՆ ԳՊԿ - ՀՀՌՀ - 2018» միջազգային մրցույթին ---- ծածկագրով առցանց ներկայացված Հայտի փաստաթղթերը.

- Տիտղոսաթերթ
- Նախահաշիվ
- խմբի մինչև 35 տարեկան մասնակցի ասպիրանտ կամ մագիստրանտ հանդիսանալու մասին տեղեկանք (ներ):

Դիմող՝ \_\_\_\_\_ (ստորագրություն) ( \_\_\_\_\_ )  
(անուն ազգանուն)

« \_\_\_\_\_ » \_\_\_\_\_ 2017 թ.

**Փորձագիտական եզրակացություն, հայտ \_\_\_\_\_**

Հարցաշարի յուրաքանչյուր հարցի պատասխանը տրվում է թվային գնահատականով, առավելագույնը 5 միավոր (0,5 միավորի ճշտությամբ), հետևյալ սանդղակով.

0	Հարցի պատասխանը բացակայում է կամ այն չի կարող որոշվել տեղեկատվության բացակայության պատճառով:
1	<b>Շարժվաբ:</b> Պատասխանը ներկայացված է մակերեսորեն և խիստ անորոշ:
2	<b>Վար:</b> Հարցի պատասխանը բավարար չէ նրա վերաբերյալ ամբողջական կարծիք կազմելու համար:
3	<b>Միջին:</b> Պատասխանը ընդհանուր առմամբ բավարարում է հարցի պահանջներին, բայց կան նաև զգալի թվով անհամապատասխանություններ, որոնք սակայն շփոթելի են:
4	<b>Լավ:</b> Հարցի պատասխանը առաջադրված պահանջներին համապատասխանում է որոշակի վերապահումներով:
5	<b>Գերազանց:</b> Պատասխանը լիովին համապատասխանում է հարցի պահանջներին և թերություններն աննշան են:

**Հարցաշար**

1.	<b>Նպատակներ:</b> Որքանով է հիմնարար առաջարկվող գիտական հետազոտությունը:	
2.	<b>Արդիականություն:</b> Որքանով է արդիական առաջարկվող հետազոտությունը:	
3.	<b>Նորույթ:</b> Որքանով է նոր ու հեռանկարային առաջարկվող հետազոտությունը:	
4.	<b>Ծրագիր:</b> Որքան հստակ են ձևակերպված գիտական ծրագրի խնդիրներն ու նպատակները:	
5.	<b>Իրագործելիություն:</b> Որքանով է իրատեսական հետազոտության նպատակներին հասնելը առաջարկվող ժամանակահատվածում:	
6.	<b>Համապատասխանություն:</b> Որքանով է համապատասխանում գիտական ծրագիրը հետազոտության նպատակների իրականացմանը:	
7.	<b>Իրականացում:</b> Որքանով է իրատեսական առաջարկվող գիտական ծրագրի իրականացումը:	
8.	<b>Առնչություն այլ բնագավառների հետ:</b> Որքանով է գիտական ծրագիրը նպաստում տվյալ բնագավառին հարակից բնագավառների առաջընթացին:	
9.	<b>Նորարարական կարևորություն:</b> Որքանով է գիտական ծրագիրը նորարարական (գիտության հետագա զարգացում, տեխնոլոգիական արտադրանքների, սիստեմների և մեթոդների բարելավում, զգալի տնտեսական կամ հասարակական ազդեցություն):	
10.	<b>Իրականացման մեթոդներ:</b> Որքանով են առաջարկվող մեթոդները համապատասխանում գիտական ծրագրին:	
11.	<b>Իրականացման փուլեր և դրանց վերահսկելիություն:</b> Որքանով են համապատասխանում իրականացման փուլերը գիտական ծրագրին և որքանով է իրատեսական դրանց վերահսկելիությունը:	
12.	<b>Եիրտասարդ մասնագետներ:</b> Որքանով են համապատասխանում խմբում ընդգրկված երիտասարդ մասնագետների (մինչև 35 տարեկան) մասնագիտական ուղղվածությունը և որակավորումը գիտական ծրագրի իրականացմանը:	
13.	<b>Տեխնիկական ապահովվածություն:</b> Որքանով է գիտական խումբն ապահովված տեխնիկական միջոցներով:	
14.	<b>Համագործակցության ապահովվածություն:</b> Որքանով է ապահովված խմբի իրական համագործակցությունը առաջարկվող գիտական ծրագրի խնդիրների և նպատակների իրագործման գործընթացում:	
15.	<b>Համագործակցություն:</b> Ի՞նչ մակարդակի վրա է գտնվում երկկողմ համագործակցությունը (վերջին 10 տարիներին համատեղ հրապարակումների առկայությունը) և որքանով է այն հեռանկարային:	
16.	<b>Արդյունքների տնօրինում:</b> Որքան հստակ է ձևակերպված հետազոտության արդյունքների տնօրինումը. արդյունքների օգտագործում և տարածում (հրապարակումներ, գիտաժողովներ և այլն), նորարարական կարողության օգտագործում (տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր սեփականության տնօրինում (արտոնագիր, հեղինակային իրավունք և այլն):	
17.	<b>Նախահաշիվ:</b> Որքանով է հիմնավորված հայտի ֆինանսական նախահաշիվը:	
	<b>Փորձագետի գնահատական (17 գնահատականների գումարը)</b>	

**Փորձագետի մեկնաբանություններ (ծավալը չի սահմանափակվում)**

<b>Հետազոտության նպատակների մեկնաբանություն (հարցաշարի 1-4 կետերը):</b>
<b>Նախագծի մեկնաբանություն (հարցաշարի 5-10 կետերը):</b>
<b>Նախագծի իրականացման մեկնաբանություն (հարցաշարի 11-17 կետերը):</b>

Փորձագետ \_\_\_\_\_ Ամսաթիվ \_\_\_\_\_

**Խորհրդի եզրակացություն**

1.	<b>Գիտական ծրագրի ղեկավար:</b> Որքանո՞վ է համապատասխանում հայաստանյան կողմի ղեկավարի մասնագիտական որակավորումը գիտական ծրագրի իրականացմանը:	
2.	<b>Գիտական ծրագրի կատարողներ:</b> Որքանո՞վ է համապատասխանում հայաստանյան կողմի կատարողների մասնագիտական որակավորումը գիտական ծրագրի իրականացմանը:	
3.	<b>Ռուսաստանյան խումբ:</b> Որքանո՞վ է համապատասխանում ռուսաստանյան կողմի ղեկավարի մասնագիտական որակավորումը գիտական ծրագրի իրականացմանը:	
	<b>Խորհրդի անդամի գնահատականը</b> (3 գնահատականների գումարը)	
	<b>Վերջնական գնահատական</b> (Փորձագետի և հանձնաժողովի գնահատականների գումարը)	

Խորհրդի անդամ(ներ)\_\_\_\_\_

(անուն, ազգանուն )

(ստորագրություն)

Ամսաթիվ\_\_\_\_\_

**ՄԵԹՈԴԱԲԱՆՈՒԹՅՈՒՆ**  
**ԳԻՏԱԿԱՆ ԳՈՐԾՈՒՆԵՈՒԹՅԱՆ ԱՐԴՅՈՒՆՎԵՏՈՒԹՅԱՆ ՑՈՒՑԱՆԻՇԻ**  
**ՈՐՈՇՄԱՆ**

**1. Գիտական գործունեության արդյունավետության ցուցանիշը (այսուհետ՝ ԳԳԱՑ՝ E) որոշվում է ըստ հետևյալ բաղադրիչների՝**

**1) Գիտական ամսագրերի հրապարակումների:** Հրապարակում գիտական ամսագրում՝ հոդված (Article) կամ ակնարկ (Review)՝ Web of Knowledge, Scopus և միջազգային գիտատեղակատվական այլ շտեմարանների (այսուհետ՝ ՄԳՇ), ՀՀ կամ օտարերկրյա որևէ պետության բարձրագույն որակավորման հանձնաժողովի (այսուհետ՝ ԲՈՀ) ցանկերում ընդգրկված ամսագրում, ինչպես նաև այդ ցանկերում չընդգրկված, բայց գրախոսվող ու մատենագրվող ամսագրում:

*Յուրաքանչյուր հոդվածի կամ ակնարկի համար՝*

$$E_1 = \sum IF \frac{(1 + C / 10)^{1/3}}{N^{1/3}},$$

*որտեղ՝*

**IF՝** ամսագրի տվյալ տարվա ազդեցության գործակիցը (այսուհետ՝ ԱԳ)՝ ըստ «Institute for Scientific Information (ISI JCR)»-ի տվյալների,

**N՝** ընդհանուր համահեղինակների / համադեկավարների / համամրցանակա-կիրների թվաքանակ,

**C՝** հղումների քանակ՝ առանց ինքնահղումների,

**0.2-ից** ցածր **IF-ի** դեպքում նրան վերագրվում է՝

**0.2՝** ԱԳ ունեցող կամ ԱԳ չունեցող, բայց ՄԳՇ ցանկերում ընդգրկված ամսագրի դեպքում,

**0.15՝** ԱԳ չունեցող, ՄԳՇ ցանկերում չընդգրկված, բայց ՀՀ կամ օտարերկրյա որևէ պետության ԲՈՀ-ի ցանկում ընդգրկված ամսագրի դեպքում,

**0.10՝** ԱԳ չունեցող, ՄԳՇ, ՀՀ կամ օտարերկրյա որևէ պետության ԲՈՀ-ի ցանկերում չընդգրկված, բայց գրախոսվող ու մատենագրվող ամսագրի դեպքում:

**2) Մենագրությունների, կոլեկտիվ մենագրությունների, գիտամեթոդական ձեռնարկների, նյութերի կամ հոդվածների ժողովածուների հրապարակումների:** Մենագրություն, կոլեկտիվ մենագրություն, գիտամեթոդական ձեռնարկ, նյութերի կամ հոդվածների ժողովածու՝ գիտական կազմակերպության կամ բարձրագույն ուսումնական հաստատության գիտական խորհրդի երաշխավորություն ունեցող, որևէ մեկ գիտական թեմայի նվիրված և ISBN ունեցող հրապարակում:

*Յուրաքանչյուր մենագրության, կոլեկտիվ մենագրության կամ գիտամեթոդական ձեռնարկի մասի, նյութերի կամ հոդվածների ժողովածուի նյութի կամ հոդվածի համար՝*

$$E_2 = \begin{cases} \sum B \frac{P_{Sh} \cdot (1 + C / 10)^{1/3}}{N^{1/3}}, \\ \sum CA \frac{(1 + C / 10)^{1/3}}{N^{1/3}}, \end{cases}$$

որտեղ՝

**B=0,25**՝ օտար լեզվով հրատարակված մենագրություն կամ կոլեկտիվ մենագրություն,

**B=0,20**՝ հայերեն լեզվով հրատարակված մենագրություն կամ կոլեկտիվ մենագրություն,

**B=0,15**՝ գիտամեթոդական ձեռնարկ կամ օտար լեզվով հրատարակված նյութերի ժողովածու,

**B=0,10**՝ հայերեն լեզվով հրատարակված նյութերի ժողովածու,

**CA=0,20**՝ օտար լեզվով հրատարակված հոդվածների ժողովածու,

**CA=0,10**՝ հայերեն լեզվով հրատարակված հոդվածների ժողովածու,

**P<sub>sh</sub>**՝ ծավալ (տպագրական մամուլ, 16 էջ):

**3) Գիտաժողովների մասնակցության:** Գիտաժողովների թեզիսները (Abstract) և նյութերում չընդգրկված ստենդային զեկույցները (Poster) չեն գնահատվում:

Յուրաքանչյուր զեկույցի կամ գիտաժողովի նյութերում (Proceeding) հրապարակման համար՝

$$E_3 = \begin{cases} \sum T \frac{1}{N^{1/3}}, \\ \sum P \frac{(1 + C / 10)^{1/3}}{N^{1/3}}, \end{cases}$$

որտեղ՝

**T=1,00**՝ արտերկրում տեղի ունեցած գիտաժողովի հրավիրված զեկույց,

**T=0,75**՝ ՀՀ-ում տեղի ունեցած գիտաժողովի հրավիրված զեկույց,

**T=0,25**՝ արտերկրում տեղի ունեցած գիտաժողովի բանավոր զեկույց,

**T=0,20**՝ ՀՀ-ում տեղի ունեցած գիտաժողովի բանավոր զեկույց,

**P=0,15**՝ արտերկրում տեղի ունեցած գիտաժողովի նյութ,

**P=0,10**՝ ՀՀ-ում տեղի ունեցած գիտաժողովի նյութ: